

OMUKUETU

N:o 5

M E I

1952



ETESTAMENTI LJA JESUS Joh. 17: 24 — 26.

Oshitja shono etestamenti otashi ti: ehalo, uunene ehalo ljomuntu ti ilongekida okuza mo muujuni no tu uuca uuciga ue. Euuvane-ko ljuuciga, etestamenti, oli icanua momalaka gamue ehalo.

Omuua Jesus okua ligamene kegulu e ta tsejicile He Kalunga ehalo lje ljahuginina. Inatu uuva naale a tje andola: "Tate, onda hala". Okua li hi igandja kehala lja He, no mokuhepekua kue nokuli. Ihe mpaka oku li pokuguanica oshilonga she shekulilo. Onke ano ta vulu okutopolela aalongua je uujamba ue.

Manga inee ja nokuli muujuni He Kalunga a ti kujje: "Indila ndje ongame no tandi ku pe aapagani uuciga uoje, nooha duujuni di ninge odoje". Jesus okua peua epangelo ljonjama ajihe. Ihe mboka ajeke haa longua ku Kalunga no haa vulika kehilo lje, ojo taje ja ku Jesus ja ninge je. Omukuetu, oua longua tuu okutseja, ongoje omukani nomugeelui no ua pumbua shili omukulili?

Omuua Jesus okua hala aalongua je ja kale uo nkoka oje mune ta ka kala. Ja kale ano puje megulu. Opo ja tale eaadimo lje. Kali shi ndjoka ljokutogica omeho, ngashi etango. Oljo esimano kali uapa sha, nuuanaua nohoole nenjanju nondigololela kali shi kutengenekua, 1 Kor. 2:9. Oko nkoka Omuaa Jesus e tu halele ko uo. Itatu mu pandula nokuli metegameno ljelaago ndjoka?

Ihe aalongua ja tameke okutala eaadimo lj'Omuaa kombanda jevi nokuli. Johannes ta ti: "Otua tala eaadimo lje, eaadimo tuu ndjoka lj'Epona lja He." Jesus okua holola eaadimo lje miikumicalonga joku-kuaca aantu, Joh. 2:11; 3:2, no moohapu de, Mat. 7 28-29, omokudima po oondjo Mat. 9. 1-8, no mokusa kue, Mark. 15:39. Eaadimo lja Jesus oljo uunene esilohenda noshili. Otatu tala tuu eaadimo lj'Omuaa, tu shitukicue uo tu fe efano tuu ndjoka, 2 Kor. 3:18? Akutu, Omuaa, tu kuaca uo okukala mungoje, natse tu aadimice niijimati jetu.

Jesus e tu tsejicile Tate Kalunga nkene e li. Nkene a kala no-kuhoola uujuni, oje a gandja Epona lje, opo shaangoka - - -. Nkene ta taamba omumati omuhanagudi, omunandjo, te mu njanjukilua shili. Nkene Tate oje muene e tu hoole, ngele tu hoole Jesus no tue mu itaala. Ihe kapena ngoka ta ji ku Tate okuninga ta pitile mu Jesus. Omuaa Jesus na hambelelue shili, sho e tu tsejicile Tate nokue tu cigile oohapu de, nesakramenti ljolutu lue nombinzi je.

Iilonga ajihe noohapu adihe j'Omuaa Jesus oli kelalakano necikilo enene, "opo ohoole ndjoka ua kala u hoole ndje ji kale mujo na ngame ndi kale mujo." Akutu, ando ohoole ja Kalunga ji tililue shili mutse uo K'Ombepo ondjapuki, tu kale noku mu hoola, oshoka oje e tu hoole tango.

V. A.

OU SHI SHI TUU?

Omulumentu gumue onakutilakalunga okua njola. Jajee evi o-ljuuda uuvu; uuvu uoshinena, ngashi uo endongo ando u gongele aantu 100 (ecele) mujo aantu 10 (omulongo) shila kaje na uuvu mbuka, uunene mu Union nomu Amerika. Omapunga gaantu oje-ndji ga jonua po naji kuuvu uepunga ua zi miikolica. Evi lja ndondelua ontsika odindji no lja jonana." Evi ljetu uo inali njata koo-ntsika? Olja jonana shili. Ejonuko tali zi maantu.

Evi tali tende omisa, evi tali pambuka omapambu, nevi tali tenguuka nokupunduuka ja fonkolui, no lje endama lja fetsali ljon-ntanda, nUUDIGU UOMAJONAGULO TAU LI PONDO UUNENE, ta li guile po, kali na ue ecikamo ckucikama. Jes. 24: 19, 20.

Omulumentu gumue mu Amerika ngu ha langele ondjugo jii-jumbe (joondjembo). Esiku limue okua zi mo ta kakama, e ta ti: „Oh“ kapuna ngoka ta mono oshiholameno a holame mo, je kaa aadike koshiponga shoondjembo dongashingeji, a ti: Jajee oonakukala kombanda jevi ajehe!“ Omuntu kehe e li kombanda jevi na galikane SHILI OMUENJO GUEGU HUPICUE MEJONUKO NDIKA, JESUS AUIKE TE SHI VULU.

Jesus ta ti. Aantu jokombanda jevi je necininiko no taa suumbanda — — — no taa sehaluko mokutala no mokutegelela mbjoka taji aada evi alihe, oshoka noonkondo domegulu otadi ka kakama Luk. 21. 25, 26.

Momuenjo guonakukala kombanda jevi ngashingeji otamu holamene mo etilo, mu jamue olji igalala, uunene mboka je lueteko, oja tila. Nga: hingeji otu li moluendo tatu ka tsakaneka mbala iita iinene iititatu juujuni ja tilika.

Aalongua j'Omuaa Jesus ajeke mboka ja mono ekuatacano naje ojo inaa tila.

Mbika nge taji tameke okuningua; ikoleleni ne mu jeluce omitse deni, oshoka ehupico ljeni lja heda popepi Luk. 21. 28. Omulumentu gumue okua ti: Kombanda jevi kaku na ue ngoka inaa tila, shila omukriste auike, omuitaali auike oje omunelago, kee noshiponga shika no shuumbanda.

Aniua pecimbo ndika opu na aauuvici jevangeli ljehupico mokuu- vica kuauo taa ihupicile oonkondo, jaa vulue aniua. Aauvici jevan- geli ljehupico jamue otaa ihepeke okutunga omagumbo omanene no goopala. Jajee omuvici ngoka inaa kuuatua natango kuupju uoheli ndjoka taji fike oomuenjo daantu. Opena tuu ecimbo lja guana ando ndi li ihupicile? Okacimbo kehe kongashingeji okeuuvico ljevangelii, onkondo kehe nandi di gandje po omolu evangeli. Paulus ta ti: Jajee ngame ngele itandi uvica evangeli! — Onda hala oku mu pa, ha evangeli lja Kalunga alike, ihe oomuenjo detu uo. 1 Tess. 2. 8. Omuaa te tu penduca noohapu di: — Ajehe ngashi je li oombua, da muena, kadi shi ku gueda; otadi gono moomposi, tadi lala di hooloomposi Jes. 56. 10. Omolu evangeli Paulus ta ti:

Nda ningi omukuauo guajehe mu ajihe mu ajihe, okomikalo adihe ndi sinde nando jaamue — — ihe ajihe otandi ji ningi omolu evangeli na ngame ndi mone oshitopolelua shaljo, 1 Kor. 9: 22. Jesus ote ja mbala shi vule ngashi to shi diladila. Tatu aadika tuu otse aapija aadiginini? Mat. 25: 21

Efraim Angula.



ONDJALA JOKOMUENJO

Ongame onca mono naanaa nkene omuntu a sondjala nenta uo ljokomuengo.

Onda jile huijaka moshilando sha Okahandja, nda kala mo o-masiku ogendjielela. Onda kala uo nokuendaenda palue na palue, nesiku ljosondaha kehe onda ji uo mongerki ndjoka jaajevangeli puamue naauambo aakuetu.

Ihe ondi na oshimpuiju oshinene shili, omolu aamati jaauambo ja kala mo mOkahandja. Oshoka nando taku hitua mo mongerki, elongelokalunga kali po, omusitagongalo kaje na. Kape na ngoka te ja uuvicile oteksti nenge oohapu dosondaha. Aahongi mboka je li mo aanduisi ojo aahongi jaaherero nojaatakumi taa uvika ku mbejaka ajeke. Nando pe na tuu omusamane gumue omuuambo ha kambadala oku ja kuatele komeho, itashi kuaca unene, oshoka oje ina longua, nisheue ukulesha kee shi shi. Je kee na ue ecimbo ljokulongua, oshoka okua koka.

Ano iilonga ngele ja pua jauo? Te tala mpeja na mpeja nandandi mono uungundu uana joomeme taa longacana no taa kuatelelacana komeho, nolumue ngele to pulakene, oto uvu ko omaui goondjimbo. Oondjimbo dimue otadi imbua poombambo, omolua shoka kape na omuuliki e shi shi ku ja longua mondjila. Ano ojo je li po taa pampadala shili, ihe ondjila nosheelo kaje shi uete. Oje na ohole nehala okuuuva oohapu da Kalunga, oshoka jamue oje li po inaa shashua natango, ndele omuuliki nomukuateli komeho kaje mu na.

Aamuameme oja hepa shili mbejaka je li mevi ndijaka ljuundjendi. Kalunga ne ja kuace ja mone omuuliki, na tzeni uo, aamuatate, inatu ja dimbueni oku ja sila oshimpuiju, oku ja fala koshipala sha Kalunga.

Loide Erastus.

AAGUNDJUKA JOKOSHAKATI

Ngele to zi pu Elim to ukilile kuuninginino, nena to ada omukunda gu li mokati kokuti muui, gua lukua „Oshakati.” Edina ndika lja lukua moluashoka gu li pokati kUukuambi nOngandjera. Omukunda nguka gua kokolua po 1929 kaasamane jaali nekokolo edigu. Ogua kala tagu tondokelua kaakokoli ojendji, aakuambi naangandjera, sigo gua foshilongo shi ilielela. Omua kala aakriste aashona jouala naapagani ojendji aakukutu.

Omuaalu gaaakriste sho gua tana kashona, oja peua omusitagongalo. Ngaashi omukunda nguka gua li omudigu mekokolo ljomapja, osho uo omudigu metoto ljegongalo. Aantu kaju uuvite ko naua oondunge duukriste.

Ngashingeji aagundjuka ja fa je uete uujelele uOmuua guauo u li kokule nkuii no ja hala oku u taalela je u ade. Shika nde shi dimbulula 13. 1. 1952. Aagundjuka ja li je noshigongi moka oondjimbo oombuanaua di imbua nomahokololo omatilici ga hokololua. Sho ja zi moshigongi ja li je nepulo ndika: „Ondi nokuninga ngiini, opo ndi kale omugundjuka guOmuua muene?” Omua ota ti: „Hoola Jehova Kalunga koje komuenjo guoje aguhe nokomadiladilo agehe — e to hupicua.”

Aamuameme aahoolike, inamu dimbua po aakokoli mbo je li maantu, kaa ueteko natango muukriste uauo. „Ihe ohuginina, aamuameme, tu galikaneneni oohapu dOmuua di tondoke, no di simanekue palue ngaashi mokati keni uo, natse uo tu hupicue maantu aapuidi naauinaji; oshoka eitaalo kali shi ljomuntu kehe.” 2Tess. 3: 1-2.

I. R. Kuenda.

MOONDJENDADETU.

Nani omuntu e na okuja hoka ina tseja. Kuuzilo uOndonga oku noshilongo shi icanua Okavango nosho oshi li pomulonga gomeja. Sho nda ciki pongulu jepangelo, nena nda tsikile natango komeho, nonda ende oshikako sha tungilua uule u cike pomagongalo gatano. Ihe popepi negongalo etitano, handijaka jomulonga oku nongundu onene jaa na ezimbuko omutenja ongundu ndjika oji naasindani. Oshoka inaa tegelela okufutua. Ihe egongalo ndika nando oljo enene oli noosikola da edilua. Oshike sha edilica oosikola? Tu tje uuheci. Aakuluntu jaanona aluhe sho ja tegelela, andola aanona ngele taa shuna kegumbo, ja mone je na omalapi. Ihe te ti, kuume omukvetu, ua hepa unene. Aasuomi inaa endela olutu luoje lu paluke, ihe omuenjo guoje gu hupicue. Dimbulukua ongoje omunelago omolua evangelu u li na.

Tala ongoje omupia omukuetu gua Kristus, kuuzilo oku na natango aashitua ja Kalunga, noje li po je na enota ljohapu dOmuua. Omupia omukuetu gua Kristus, ote ti: ngele Kalunga te ku tumu komulonga nguka gua Okavango, tango dimbulukua ohole ja Kalunga sho e ku hole. Ngashi u shi shi Kalunga ina tegelela okupeua sha, ihe te ku tege ngoje u ninge omulongi mepja lje. Unene ndi li po nda sa oluhodi mokukala pomulonga nguka. Ojendji nando ja putudua naua mOniipa, nena ngele to ja ada pomulonga nguka je li po ja tala ja kuta. Ihe dimbulukua, otse itatu kuta manga inatu cika ku Tate.

Galikaneneni omulongihapu nomujakuli gaaavu Fl. H. Elomaa sho a tungica oshipangelo kokule shili nomulonga gaaakavango. Kalunga na jambeke oshilonga she.

F. Sh. Maky,
Okavango.

EVULULUKO TU LI NA MOLUESO LJA JESUS

Ileni ne aakriste amuhe tu gongaleni moshituci shetu shi li mOngulu jOmukuaaluhe, ngoka kee nokatondo nomuntu, nckua hala kukoleka mbo ja njengua.

Onde ku iila, ila tu je koshituci shetu.

Ihe omolua shike ngaje nangoje ta na aluhe omutenge omudigu guoondjo?

Ejamukulo: Moluokuaavulika kua Adam na Eva. Osho oondjo de ja muujuni. Onkee ano tse atuhe aavalua jauo, onke tua cigulula uuciga uoondjo dauo, noda ningi dauo nodetu.

Nena moshituci shaakriste otatu ji mo ngini, tse tu nuuciga uoondjo?

Ejamukulo: Molueso lja Jesus. Oshike ngaje na ngoje tu uvite? Molueso lja Jesus, ondu uvite ohapu ontoje jandje nojoje uo. Jesus ta kongo aanandjo, nokua hala ku ja hupica. Jesus ina sila aajuuki, ihe okua sila aanandjo. Ohapu ontojelela ndjo.

Ehupico oko li li shili ljandje noljoje uo. Pomushigakano guO-mukulili ashike ehupico tali monika, ihe efudo lja guana tu li na molueso ljOmukulili omunankondo.

Holoka moshituci shetu aakriste, ino tila, hokolola oondjo doje. Ila koshituci shetu, koshililo shOmuua guetu. Holoka, oshoka kashi shi oshililo shamuhongi nenge shomusita nenge shomulongi, ihe oshililo tue shi peua kOmuua guandje no guoje uo, nokue tu tegelela aluhe nohole ojindji ja guana. Ino tila aantu, oshoka ojo aanandjo ngashi ngaje nangoje, ihe tila Omuua guomuenjo. Ila tu je koshituci shetu.

Omushigakano nge tagu ku digipalele noonkondo doje tadi fupipala, igida: „Jesus kuaca ndje!” Ngele ouna Jesus, nena ondjila joje aluhe oja jela, nebululuko u li na lja guana.

Edina etoje Jesus nali kondjelue komunene ncmushona, oshoka edina Jesus oljo edina ljOmusindani, nebululuko lja guana tu li na mu ljo. Momuenjo nenge meso kala pOmukulili.

Tse katu shi jomuujuni mbuka, ihe tse ojeje na ngoje oguetu.

H. K. Jakob Emvula.

EGALIKANO LJO MUUIKE.

Sho nda ji mUushimba, onda kala peha mpoka puua na ongerki, nonda kala shili nuudigu momuenjo guandje. Onda tameke okuikongela omuti moka handi tsu oongolo shaa tuu nda kutuka. Ihe egalikano lja tja ngeji, inandi li igilila, nde li jelekele tuu, ihe inandi li diginina. Ongundu jaantu tua kala najo, ojendji inaa tseja oohapu da Kalunga, na jamue ojo aakatoli, ihe opua holoka jamue ja limbililua ndje, oja tameke okupulacana taa ti: „Omuntu nguno onganana nani, nenge oha ka tala shike ano mihua?” Opo mpoka nda tameke shili uupenda okufala uo ongundu ja tja ngeji koshipala sha Kalunga. Omua muene a tameke okuminikila ongundu ndji. Ohaluka opu na jamue taa ti, otua hala uo u tu longe. Nda tameke shili oku ja ulukila mokambo kotango, nena otaa lesa okatekisa. Aamuameme aahoolike, inandi hala ouala u leshe okahokololo haka, aue, onda hala u tale okukala kuoje nokuandje, ngele otse tuu hatu tsu oongolo koshipala sha Tate megulu. Nguka ho shi ningi ino vulua unene muuikue. Omua ote ku jambeke shili. Ano inatu vulueni oojakuetu. Uusiku ua ti ko ongula eluua. Omua kundua uo ku kuume keni meitaalo oje

Nikodemus Johannes,
Omaruru.

ICANA NDJE ESIKU LJUUDIGU UOJE.

Otse tua longelua kOmuua muene uuanaua kau uapa sha omumvo tuu nguka 1950 manga tua li mOuambo mevi ljetu.

Ano mpaka tandi hokolola kashona kouala, Omua shoka e tu longo okuvulika kuje.

Pulakena naua omukuetu, ongame nda li ndi na omukici omunene, ndele Omuua a kuaca ndje moshiponga shi cike mpaka. Osha kuata ndje ano esiku eti 5. 6. 50 nonda li shili ndi noluhodi olunene, nonda ti nokuli, Omua ota kuaca ndje naua tuu moshiponga shika. Eti 28. 6. 50 onda aaluka kolutu, nonda mono oonkondo oompe.

Nopo tuu sho nda mono ukolele uolutu, ohaluka omukuetu guontumba a mono omukici, konjala nokuli a je. Jajee, nani sho ku nomasiku omadigu ge li muujuni auhe, shaa mpoka pu na omukujunimbandajevi, ohapu kala uudigu ouindji.

Omuua ta ti, ongoka te mu inekele ota ka mona muje omuenjo gaaaluhe.

Na isheue ta ti ngeji: „Icana ndje esiku ljuudigu uoje, ongame e tandi ku hupica, e to simaneke ndje.”

Otandi mu kundu nombili.
Justinus J. Lipumbu.

Omulongi naale Gabriel jAmeja a mana ko oondjenda de kombanda jevi ndi eti 3 lja Desember 1954. Onda ti: omulongi naale! Okua adika a ningi oomvula 6 a shuna monima. Ihe ina kala ue a kola, oshoka a gumu shoka shi indikua ku Tate Kalunga.

Ihe uuvu mbuka shoka ue ja, oje muene okua li a dimbulula kee na ue mpoka ta mono ekuaco. Okui icana omusitagongalo E. A. Eeno, ngiika pahapu dika dOmuua guetu Jesus Kristus, sho ta ti: Ngoka ti indile, ota peua, naa ngoka ta konkola, ote egululua, naa ngoka ta kongo, ota mono.

Omua li mua gongala aantu ojendji, moka megumbo lje. Tango omujevangeliste St. I. a lesa Eps. 102: 2-7. Kalunga Tate ngele te tu holeke oshipala she, otatu uka peni?

Opo omusitagongalo okua ti: „Onda tila, oshoka kandi shiuo pokushuna monima kuoje pamue ua sheke Ombepo Ondjapuki.“ Ihe a tambelua mo megongalo, e ta peua Uulalelo Uujapuki. Ihe nando a taambua ngeji, oohapu doka Eps. 102: 2-7 tadi tsu muje. Kalunga a fa natango ta holeke oshipala she kuje, na oohapu doka Heb. 6: 4-8 tadi tsu muje, oshoka etambo ndjoka inali mu kuaca sha nando.

Kokuza kesiku tuu ndjoka uuinaji uohapu de ua tameke. Ajehe mboka je mu hungu otaa ti, okushuna monima okuo oshiponga.

Pehulilo okutameka esiku 2-3 ljomuedi tuu ngoka Desember 1951, iihuna, shaa ngoka e ja po puje, ote mu pula epulo ndi: „Nangoje oue etelele mpaka omeja ga fuluka? Shunica omeja goje nkuii, tila ndje omatalala.“ Osho ta tilua ngeji nevi etalala mpoka a lala. Omusamane Abisai jAamambo ote mu lombuele: „Omeja ngaka itaga kuaca sha, ihe Jesus ta ti, shaa ngoka ta nu omeja ngoka ota senota isheue. Ihe ngoka ta nu omeja ngoka tandi ge mu pe, kee na mpoka ta ka senota sigo aluhe.“ Ihe aue, inashi mu kuaca sha.

Aakuetu, okushuna monima oshiponga shi li mo. Eua ano, ngele ua hala oohapu dika da popiua kOmuua Jesus di tse mu ngoje di tadi ti: „Aahugunini otaa ningi jotango, naatango otaa ningi aahugunini,“ kala ua uuviteko kutja okushuna monima okuo oshiponga.

A adika a tambelua mo megongalo nombila je ja japulua esiku tuu ndjoka, ihe ina ciga po oshiholelua oshiuanaua shi shi kuholelua, aje. Oshi shi ouala okukukumua nokujandua.

Kalunga ne tu kuace tse tua tameke mOmbepo, tuua ka hucile monjama.

Omukueni muuehame
St. Iteua.

ONZAPO JOMUGUNDJUKA

Ongame onda mono evalululo komuenjo momumvo nguka 1951. Ongame onda longua moskola nonda dimbulula uuanaua, nuuinaji, oshoka onda li omupika guomakaja, nda li he nu omakaja, no nda li omupika guikolica, nda li he nu omalovu. Ihe onda galikana Kalunga a kuce po omalovu nomakaja. Kalunga okua uvu ndje shili. Eno, Kalunga ngele to mu icana nomuenjo aguhe, ote ku uvu shili. Kalunga kandje noku uvile ndje uudigu uandje. Oje a kuca ndje omutenge guikolica. Ngashingeji ongame nda ningi omuntu omupe komuenjo guandje aguhe, oshoka ngashingeji ihandi nu ue omakaja, aue, Kalunga e ga kuca po. Nomalovu Kalunga e ga kuca po. Nona onda hala oondunge oombuanaua, ndaa shunine ue onkungo nde ji kungu ngashi oombua.

ILIKANENA NGE.

Onda hala elijandjo la shili ndi li etele Omukuetu, opo eempubue dange di fike ku avese ovafilisiso vange mOmuene. Va file nge osiso! Okuja kuange momudo 1951, onda ja mo noudjuu, okombinga jeumbo lange. Osesi omutondi satana a ja mo manga ndi li koi longo joUsimba. Opo ne okuja mo jo meumbo, omutondi omo e li, na apa jo ombili jomeumbo ja kana. Omadiladilo opaKalunga taa kana jo. Opo ne nda hala onje ovakriste amuse mu jandje nge ame neumbo lange kosipala sa Kalunga omomailikano eni, opo Kalunga omuduli uaise a kandule po ehala la satana moluonkenda jaje, je e tu alulile ohoole jotete. Osesi esi ngenge Kalunga ine si hanjenena nondaka jaje ojo jokomuenjo, nena sa ninga ediko line ne oku tu huika mounjuni ou, no muua u tau uja: Ovahoolike! Inamu loloka okuilikanena nge neumbo lange.

Otua ningi etameko ljongundumbimbeli meti 8.2. 52. Otua tamekica Efes. 4: 1-32.

Nokuhulica oohapu dika mongundu omua zi eui lja ti: Tu ihateni pevi. Ongundu ajihe nuunene uajo oja gu pevi, no ja tameke nomahambelelo nomagalikano. Nomagalikano agehe konjala ogo: O tse aanandjo shili nomevi ndika uo - - - - Nongundu oja tindile pevi ja fa ja njengua okucikama mbala. Nomokuza moongolo oja imbi mehango 264. Osho ngeji Omuaa Jesus a tumu epapuduko ljeiuvo mokangundu ketu mu Windhoek, onke natango tu dimbulukuacaneni omOmuaa.

Leo Nuugulu

EKUMIDOGONGI LJAASITAGONGALO.

Aasitagongalo 29 jomOuambo ajihe ja gongalele kOniipa 22-24 April 1952 ja kumagidacane noohapu da Kalunga no ja hokololelacane iilonga je.

Omukuluntutumua omupe B. Eriksson okua kundu oshigongi noohapu di ili no di ili domepistoli etijaali ku Timoteus nokua cindi ediladilo ndi: „Miilonga joje ajihe, Dimbulukua Jesus Kristus' ngu mu diladile.“

Omukuluntutumua omukulupe V. Alho a lesa Ef. 3: 14-21 noku uuvica: „Oonkondo domeni tadi zi mokuinekela ohoole ja Kalunga mu Jesus.“

Aasita ojendji naahongi jamue ju uuvica oteksti da kucua moontopolua 2 na 3 domEhololo. Tatekulu Simson Shituaa u uuvica „ohoole jotango“ (Ehololo 2: 4) nokua ti: „Ohoole jotango ngele ja kana mcmuuliki, ongashi ongombe jokomeho ja tindi kuenda, noshipululo ashihe sha muena.“ Omukuaa nokua ti: „One aahumbati juujelele, ngele moomuenjo mua huama shili ohoole ja Kristus. Ha omikalo omiuanaua tadi mu ningi uujelele u'uujuni, oshoka uulenga uuanaua uolampa kau vulu kuminikila.“

Oshilonga sheuuvico osha kundacana uo. Omuntu omukulu mu tse ota pumbua okudengua nongola jeeuvico ljompango. Evangelijehupico mu Jesus Kristus tali hololele omuntu uujuuki ua Kalunga mokugeela Omuaana moluulunde, no tali holola ohoole onkumici ja Kalunga mokukuca aantu egele je li ilongela noku li hitika mOmuaana Jesus Kristus.- Aasita ja pukululua uo mokuhunga oomuenjo daakuanegongalo. Moshilonga shoka she omusita kee nokulalakanena epuko ljoljene nkene lje ende, ihe omuntu nkene e nokuhupicua.

Konjala otundi kehe ja hucua nokutsoongolo megalikano ljaajehe. Omahokololo gomapapuduko go palue ge etele aasita oondjuulukue depapuduko ljaao jene. Mohungi jimue Ombepo ja Kalunga okua ciminike aasita naahongi ja hempulule oondjo dauo montaneho, nooakuauo je shi ningi natango muuikie oojaali noojaali. Osho ngeji ojendji ja mono uo enjanju ljedimopo ljoondjo nombili mu Kristus Jesus.

Pehulilo ljosigongi aasita ja hatua pevi koluhodi, sho gumue guomujo a kucua oshilonga shuusitagongalo ku satana.

Kuku V. Alho a laleke iilonga je nokua peua omahambelelo nomakundonguta a je ku Suomi. Omukuluntutumua B. Eriksson nokua hulica oshigongi netumbulo lje:

„Miilonga joje ajihe diladila Jesus Kristus.“

IIGONGI JOMAPAPUDULO. 1952

Oniipa. Petameko ljomumvo nguka 1952, aagundjuka aaniipa oja gongelua moshigongi shoshivike shimue. Aagundjuka ja gongala naua. Iigongi mbika oja kala haji gongala otundi onti 5 komatango. Esiku kehe okua popi aauvici jaali, omasiku gamue jatatu. Moshigongi shika oohapu da holola oonkondo dado; oda kala po da fegongamuele ljoongenge mbali tali tsu tali joolola oongolo noomongo, omuenjo nombepo. Aagundjuka jojene oje shi hempulula Omuaa okue ja popica.

Olukonda. Mu Januari tuu moka aagundjuka aalukonda ja hijua uo je je miigongi joshivike shimue. Ekuatelelodiladilo ljosigongi shika oljo: „Epangulo, oheli ja tegelele aalunde“. Edina ndika otali vulu nokuli oku ku hololela ombepo ja pangele ojo tuu ndjoka: omulunde a penduke shili moomposi, je a uape okuhupicua. Moshigongi shika aauvici ja kala ja fa ja cikama kolungenge luoheli taa igida: „Galukeni, moheli tamu pi, aagundjuka, galukeni! Jesus te mu hupica, oje auike te shi vulu oku mu galula.“ Otua mono mefano omusitagongalo sho tu uvica moshigongi shika a fa a cikama mokati kondjila ja mbualangandja, ta tida aantu noohapu dehupico ju uke kelago ljaana ja Kalunga. Ojendji jomaagundjuka oomuenjo dauo da tatuka

no ja hempulula oondjo dauo.

Ontananga. Mu Januari moka aagundjuka aantananga ji icanua ja gongale oshiuike shimue poohapu domuenjo Ekuatelelodi-ladilo oljo „Omugundjuka muujelele uoshipala sha Kalunga“. Moshigongi shika okua kala esiku kehe omuuvici gumue notundi joBybei ja landula. Omuuvici gotango aluhe a uuvica nombepo jepangulo, o-po otundi jombibeli ja ulukile aantu shoka Kalunga e shi hala. Aagundjuka ja tonaticua omeho gauo noohapu da Kalunga ja mone o-ndjila. Aagundjuka ja hempulula pehulilo: „Jajee uuposi uetu“. Oo-jamue ja manguluka no ja hempulula oondjo dauo.

b) Oshigongi shaakuanegongalo ajehe (aakuluntu). Esiku kehe ongerki konjala ju uda. Aantu ja zi kokulekule je ja. Jamue inaa faula nando esiku limue ljoshigongi. Oja gongala nokuli tango manga ecimbo ljokuhita inali cika. Omauvico ga kala kehe esiku euvico limue ljepapudulo no konima otundi joBybel. Eso lja fatululua muujelele uombibeli. Esiku ndjoka nani ojendji inaa ka koca naua kuumbanda uesto. Moshigongi mua fatululua nkene aantu taa tila eso, jo itaa tila uulunde, eso olja tungua muulunde, uulunde ando kau po, ando eso uo kali po. Ejonuko ljomuntu lja hololua naua moohapu da Kalunga lja ulukilua omuntu: „Ejonuko ljoje oljo ndjo- - sho ui iteka ndje“. Uujuni uongashingeji ua talua moshitalelo shoohapu-sigo okugaluka kuOmuua Jesus. Aantu ja pulakene nokulila. Omuaa okue tu popica shili.

Onajena. Ekundano ljiigongi mbika olja ciki nokOnajena: Ojo no ji icana omusitagongalo gOntananga je je, je ja kuace mokuninga iigongi mbika. Iigongi mbika ja ningua mu Maart. Ediladi- lokuatelelo ljajo: „Omuua iholola aantu joje je ku mone.“ Oshivike ashihe aakuanegongalo ja gongala, aalumentu naakiintu ojendji. O- pua ningua ngashi kOntananga euvico tango notundi jombibeli. Esiku ljotango oomuenjo oda li kokule, ihe esiku etijaali omuntu kehe a kuatua koshimpuiju shehupico lje. Momagumbo aantu ja tokelua moonkundacana dokomuenjo. Metine okua li ku nohango luokomu- kunda gumue megongalo, nani aantu ja ti; ajee, otandi ji koshigongi, oohango oonkulu“. Aantu ja holoka kaajakuli nokupula: „Ondi noku- ninga ngiini“. Ejambeko lja tana esiku kehe sigo osondaha moka epapuduko lja li pokuholoka, aantu ja cikama no ja hempulula o- ondjo dauo mboka ja kuca sha shaantu oje shi shunica esiku tuu ndjoka.

Oseminari jOniipa. Aauliki jOseminari oja kala je li mondjuulukue jokumona elunduluko mu Seminaari, Oshoka ombepo joseminari ja kala odigu. Onke ja icana aakuaci je je, je ja kuace mokupopica aaseminaari noohapu dehupico. Omusitagongalo muukua- njama Vilho Kaulinge; David ja Shijepo omushigambo; Liina Lind- rom kOshigambo. Ekuatelelodi-ladilo ljoshigongi oljo: „Okegulu na tu tje“. Ohapu da hende muule uomuenjo daaseminaari. Sho ja peua ompito okupula, omapulo ogendji ga penduka, ga holola oomuenjo doka da jambekelua oohapu na doka, inaadi jelekua naua. Eeno O- muua okua popica aaseminaari jetu miigongi mbika. Kua penduka oamadiladilo. Ondi nokukala omulongua a hupicua ku Jesus, ouino itau kuaca ndje, ngele inandi hupicua shili.

b). Oskola ja ahungi mOnandjokue. Aalongua joskola jaahungi ja ningilua uo oshigongi sha za mu shika shaaseminaari. Okua kala ngeji: Omupopi kehe a popica aaseminaari okua ji uo kaa- longua aahungi, uunene aajenda, nani egumbo alihe Onandjokue lja popicua uo, oshoka aakalele ja holoka aanandjo kaahempululicite no ja mono ombili ja shili. Miiipundi joskola omahodi geitedululo ga tutike omeho gaalongua, enjanju ljashili lja monika uo mujo. Mii- gongi mbika Omuaa okua didilike noshididilikico shombinzi oomuenjo daamboka taa ka tsakaneka Onzigona miikogo. Jaloo, Kalunga kata- tugumue taamba ehambelelo omolu iigongi mbika! Omuaa ota longo iikumica moomuenjo daantu onoohapu de okesilonda lje. Iigongi ina- ji eciaa megongalo, mujo Omuaa ta longo maantu.

EPANDULO

Egongalo Ontananga tali pandula aamati aantananga mehalaka- no mUushimba sho ja sile egongalo oshimpuiju noku li hijila oonga- lo. Egongalo oli uvite oljo li na oongunga moku ja pandula, onke mpano tali tumu kujo epandulo, noku ajehe mboka ja tula mo moo- ngalo dika:

Mu Namakualand (Kleinez)	ongalo jiiipundi L	-	15.
Orangemuth	ongalo jokahumba		35. 5.
„-“	„-“	jiiipundi	23. -
Tsumeb	„-“	„-“	8. -
„-“	„-“	„-“	7. 6.
Orangemuth	„-“	„-“	20. -
Tsumeb	ongalo jegongalo		7. -
			ajihe kumue L5. 15. 11d

Aakuetu aaholike, dimbulukueni, „Kalunga oje tuu ta penduca mune ehala niilonga, ohokue je ji guanicue“ Fil. 2:13. „Okugandja ku nelago komeho goku taamba“. Enjanju ljomugandji enene li vule ljomutaambi, nelaago ljomugandji olindji li vule lja ngoka a taamba. Kalunga ne mu jambeke!

Egongalo Ontananga.

OMUKUATUA GUA JESUS KRISTUS.

Ope neimbilo limue euanaua ljomoshienglisha kali shi kulundu- lula naua pampango joshiteuo, ihe oli nomadiladilo nga:-

Omuua, ninga ndje onkuatua joje,
opo ndi kale nda manguluka.
Ciminika ndje ndi ekelehi omatati gandje,
opo ndi ninge omusindani.
Tandi ningine mekondjo ljokukalamuenjo,
ngele nda cikama auike.
Kuata ndje momaako goje,
opo okuoko kuandje ku kale kua kola.

Ehalo ljande kali shi ljangje,
manga inali ninga ljoje.
Oli nokuidilika oshishani shaljo,
opo li mone uukuaniilua ualjo.
Oljo itali vulu okukala omucika
molugodi lua geja,
ngele inali itivula li igameke pontulo joje
nokumona omuenjo mu ngoje.

UUKRISTE OUO OSHIKE?

Uukriste, kombinga jimue ouo ekulilo ljuujuni omolu oshilonga sha Kristus, kombinga onkuauo ouo okutaamba ekulilo ndjoka.
Uukriste, tango ouo oshilonga sha Kalunga, kashi shi shaantu, ihe komeho ouo oshilonga shaantu tashi longua ku Kalunga.
Uukriste ouo uumuajinacana uomuualua uaana ja Kalunga.
Uukriste, ouo oshilonga sheijambo lja Kristus muujuni.
Uukriste ouo uukumue uaajehe mboka haa hempulula Kristus.
Uukriste ouo okukala medidiliko ljomushigakano.
Uukriste ouo okuguanica ehala lja Kalunga memanguluko.
Uukriste ouo okulandula Kristus pamikalo adihe.
Uukriste ouo eguanica ljomuntu okoondondo da Kalunga.
Uukriste ouo emangululo mompango ja Kalunga omolu eguanico ljajo.
Uukriste ouo eguanico ljelongo ljopaKalunga; onkee kau vulu oku- kala po uaa nelongo.
Uukriste u li shaa mpoka tapu guanicua oshipango shika sha Kalu- nga: „Hoola omukueni ngashi u ihoole ngoje muene!“

(Benhard Martin)

